



Broj: A-III-25/26-VIII

Sarajevo, 20.05.2026. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj 20/02, 22/02 i 30/08), člana 64. stav 1. tačka b), člana 25., 70. 71. i 98. Zakona o javnim nabavkama („Službeni glasnik BiH”, broj 39/14 i 59/22) – u daljem tekstu: ZJN, člana 9. i 37. Pravilnika o javnim nabavkama roba, usluga i radova u Kantonalnom tužilaštvu Kantona Sarajevo, broj: A-419/24 od 24.05.2024. godine, te preporuke Komisije za provođenje postupka postupka javne nabavke usluga putem Aneksa II Zakona o javnom Nabavkama BiH, „Nabavke usluga sistematskog ljekarskog pregleda uposlenika Kantonalnog tužilaštva Kantona Sarajevo“, date u Zapisniku broj: A-III-25/26–VII od 19.05.2026. godine, Glavna kantonalna tužiteljica donosi:

O D L U K U

**o izboru najpovoljnijeg ponuđača i dodjeli ugovora za
„Nabavku usluga sistematskog ljekarskog pregleda uposlenika Kantonalnog tužilaštva Kantona Sarajevo**

I

Prihvata se preporuka Komisije za javne nabavke i Ugovor o javnoj nabavci **usluga sistematskog ljekarskog pregleda uposlenika Kantonalnog tužilaštva Kantona Sarajevo**, dodjeljuje se najpovoljnijem ponuđaču: **JU "ZAVOD ZA MEDICINU RADA KANTONA SARAJEVO"** **Sarajevo, ul. Bulevar Meše Selimovića 2., 71000 Sarajevo**, a prema ponudi broj: **01-08-366-1/26 od 23.03.2026 godine**, s ukupnom vrijednošću ponude u iznosu od **43.065,00 KM bez PDV-a, odnosno 43.065,00 KM sa PDV-om**, kao najpovoljnijom ponudom.

II

Nakon isteka roka od 15 dana od dana kad su ponuđači obaviješteni o izboru najpovoljnijeg ponuđača, sa izabranim ponuđačem zaključit će se Ugovor, kojim će se regulisati međusobna prava i obaveze vezano za predmetnu nabavku, shodno uslovima navedenim u Javnom pozivu za nabavku usluge putem Aneksa II ZJN i zakonskim propisima koji regulišu postupak ugovaranja.

III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. ZJN.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. ZJN.

Obrazloženje

Na osnovu Odluke o pokretanju postupka javne nabavke broj: A-III-25/26 od 10.03.2026. godine i Obavještenja o nabavci broj: 274-9-2-2-22-6/26, od 11.03.2026. godine u 10:51 sati, objavljenog na Portalu javnih nabavki, pokrenut je postupak javne nabavke „Nabavka usluga sistematskog ljekarskog pregleda uposlenika Kantonalnog tužilaštva Kantona Sarajevo, procijenjene vrijednosti 50.000,00 KM bez PDV-a, putem Aneksa II ZJN BiH.

Kriterij za dodjelu Ugovora, shodno odredbama člana 64. ZJN je „najniža cijena“ ponude.

Za predmetnu nabavku, Uputstvu o dopunama uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“, ponuđači su Javni poziv mogli preuzeti samo putem Portala javnih nabavki

U skladu sa Javnim pozivom iz Aneksa II i Obavještenjem o nabavci broj: 274-9-2-2-22-6/26 od 11.03.2026 godine, rok za podnošenje ponuda je 25.03.2026. godine, do 10.00 sati, a javno otvaranje ponuda istog dana u 10.15 sati, na adresi Ugovornog organa - Radićeva 6, Sarajevo.

Ugovorni organ je prije isteka roka za prijem ponuda, zaprimio žalbu potencijalnog ponuđača ZDRAVSTVENE SPECIJALISTIČKE USTANOVE POLIKLINIKA „VITALIS“ Mostar, Vukovarska b.b., zastupani po zakonskom zastupniku direktoru dr. Goranu Đuzelu i odvjetnicima iz odvjetničkog društva Paponja & Partneri d.o.o. Mostar, izjavljenu na tekst Poziva za dostavu ponuda u postupku javne nabavke usluga „Sistematskog ljekarskog pregleda uposlenika Kantonalnog tužilaštva Kantona Sarajevo“, broj A-III-25/26 od 11.03.2026 godine, zbog kako je navedeno pogrešne primjene materijalnih propisa i bitnih povreda odredbi Zakona o javnim nabavkama BiH.

Dana 24.03.2026 godine, Glavna kantonalna tužiteljica je donijela Odluku o obustavi postupka javne nabavke broj: A-III-24/26-III, o čemu je Ugovorni organ u skladu sa Zakonom i obavijestio sve ponuđače koji su preuzeli tekst Javnog poziva.

U smislu člana 100. Zakona, Ugovorni organ pristupa provjeri da li je žalba blagovremena, dopuštena, uredna i izjavljena od ovlaštenog lica i od lica koje ima aktivnu legitimaciju, te da li je žalitelj uplatio naknadu za pokretanje žalbenog postupka o čemu je dostavljen dokaz. Nadalje razmatrajući predmetnu žalbu komisija zaključuje da je žalba blagovremena, izjavljena od ovlaštenog lica i od lica koje ima aktivnu legitimaciju, te da je žalitelj uplatio naknadu za pokretanje žalbenog postupka, ali da je u potpunosti neosnovana. Stoga je predmetnu žalbu, zajedno sa cjelokupnom dokumentacijom Javnog poziva Aneksa II ZJN i Izjašnjenjem na navode žalbe broj: A-III-25/26-V od 26.03.2026. godine, dostavlja Uredu za razmatranje žalbi Bosne i Hercegovine - Filijala Mostar, dana 26.03.2026 godine, na dalje postupanje.

Ured za razmatranje žalbi BiH – Kancelarija Mostar je dana 30.04.2026 godine donijela Zaključak broj: JN2-03-07-1-511-6/26, o obustavi postupka, jer je žalitelj ZDRAVSTVENA SPECIJALISTIČKE USTANOVE POLIKLINIKA „VITALIS“ Mostar, Vukovarska b.b., zastupan po zakonskom zastupniku OD Paponja & Partneri d.o.o. Mostar, čime su se stekli uvjeti za nastavak predmetne nabavke.

S obzirom da su prestali razlozi za suspenziju- obustavu postupka, u cilju osiguranja jednakog tretmana ponuđača i omogućavanja pravične konkurencije, ugovorni organ produžava rok za dostavu i otvaranje ponuda, te na Portalu javnih nabavki objavljuje Ispravku obavještenja o nabavci usluge iz Aneksa II - „Nabavka usluga sistematskog ljekarskog pregleda uposlenika Kantonalnog tužilaštva Kantona Sarajevo“, broj: 274-9-2-2-8-11/26 od 08.05.2026 godine u 14:03 sati.

U skladu sa navedenom Ispravkom obavještenja broj: 274-9-2-2-8-11/26 od 08.05.2026 godine u 14:03 sati., novi rok za dostavljanje ponuda je 18.05.2026. godine do 10,00 sati, soba broj 108. – prijem i otprema pošte Kantonalnog tužilaštva Kantona Sarajevo, ul. Radićeva br. 6., 71000 Sarajevo, a javno otvaranje ponuda istog dana u 10.15 sati, na adresi Ugovornog organa - Radićeva 6, Sarajevo.

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO

Adresa: Radićeva 6, 71000 Sarajevo, Centrala: 033/276-813, Pisarna: 033/276-811. Ured glavne tužiteljice: 033/276-826, Faks: 033/276-871

Elektronska pošta: kant_tuz@bih.net.ba. Web stranica: kt-sarajevo.pravosudje.ba

Obzirom da su do zaprimanja žalbe, u prvom roku za dostavu ponuda po Javnom Pozivu i Obavještenju o nabavci objavljenom na Portalu javnih nabavki broj: 274-9-2-2-22-6/26 od 11.03.2026 godine u 10:51 sati., zaprimljene 3(tri) ponude, Ugovorni organ je putem Portala javnih nabavki obavjestio ponuđače aktom broj: A-III-25/26-V od 07.05.2026 godine, da se ponude koje su zaprimljene prije obustave postupka smatraju se blagovremenim i važećim, uz pravo ponuđača da iste izmijene ili povuku do novog roka za dostavu ponuda, dok je u svemu ostalom tekst Javnog poziva broj: A-III-25/26 od 11.03.2026 godine, ostao neizmjenjen. Ovo obavještenje broj: A-III-25/26-V od 07.05.2026 godine, je objavljeno na Portalu javnih nabavki i bilo je sastavni je dio navedenog Javnog poziva.

Komisija dana 18.05.2026 godine, konstatuje shodno Zapisniku o prijemu ponuda u postupku javne nabavke usluga putem Aneksa II Zakona o javnim nabavkama- „Nabavke usluga sistematskog ljekarskog pregleda uposlenika Kantonalnog tužilaštva Kantona Sarajevo, broj: A-III-25/26, da su 23.03.2026 godine, (a prije donošenje Odluke o obustavi postupka broj: A-III-24/26-III od 24.03.2026 godine), zaprimljene 3 (tri) ponude, dok po Zapisniku o prijemu ponuda A-III-25/26 od 18.05.2026 godine, u produženom roku roku za prijem ponuda do ostavljenog roka 18.05.2026 godine do 10:00 sati, nije zaprimljena niti jedna ponuda. Takođe, nije bili zaprimljenih ponuda izvan ostavljenog roka za prijem ponuda tj. neblagovremenih ponuda.

Komisija je dana 18.05.2026 godine u 10.15 sati, izvršila javno otvaranje zaprimljenih ponuda.

Komisija za javne nabavke je istog dana u 16:00 sati, nastavila sa radom i pristupila analizi dokumentacije priložene uz ponude, u smislu provjere njihove validnosti, obzirom na iskazane zahtjeve Ugovornog organa u Javnom pozivu, odnosno vrednovanju ponuda u skladu sa procedurama i pravilima utvrđenim Javnom pozivu za nabavku usluga iz Aneksa II i Zakonom o javnim nabavkama BiH, odnosno pripadajućim podzakonskim aktima.

Komisija je izvršila pregled i ocjenu prispjelih ponuda, te sačinila Zapisnik o pregledu i ocjeni ponuda broj: A-III-25/26-VII od 19.05.2026. godine, koji je sastavni dio ove Odluke, i u kome je konstatovala sljedeće:

Komisija konstatuje da je u skladu sa dijelom C. tačkom 10.5. Javnog poziva, izvršila provjeru računske ispravnosti ponuda, te da nijedna ponuda nije imala računskih grešaka.

Komisija je utvrdila da su ponude ponuđača JU "ZAVOD ZA MEDICINU RADA KANTONA SARAJEVO, Zdravstvena ustanova "ALEA" Dr Kandić, Sarajevo i PZU "MEDICOM "ZENICA prihvatljive prema obliku, sadržaju, potpunosti i sposobnosti obavljanja tehničke i profesionalne sposobnosti, te da ponuđene vrijednosti ponuda odgovaraju planiranim, odnosno osiguranim sredstvima.

Takođe Komisija je izvršila uvid u ponude u pogledu pravilnosti ponuda, odnosno da li su ponude u skladu sa Javnim pozivom, da li je primljena izvan roka za dostavu ponuda, da li postoje dokazi o tajnom sporazumu ili korupciji ili ponuda nije rezultat tržišne konkurencije, te da li je ugovorni organ utvrdio da je cijena ponude izuzetno niska (neprirodno niska). Komisija je utvrdila da su sve dostavljene ponude ponuđača: JU "ZAVOD ZA MEDICINU RADA KANTONA SARAJEVO", Zdravstvena ustanova "ALEA" Dr Kandić, Sarajevo i PZU "MEDICOM "ZENICA pravilne, odnosno da je ponuđena usluga u skladu sa uslovima iz Javnog poziva, primljene u roku za dostavu ponuda, ne postoje dokazi o tajnom sporazumu ili korupciji, ponude su rezultat tržišne konkurencije i cijene ponuda nisu izuzetno niske (neprirodno niske).

Polazeći od gore navedenih konstatacija i činjenice da su tri (3) blagovremeno pristigle ponude prihvatljive i pravilne za ugovorni organ, s obzirom da ispunjavaju uslove iz Javnog poziva za nabavku usluga iz Aneksa II, Komisija je izvršila vrednovanje prihvatljivih i pravilnih ponuda, shodno utvrđenom kriteriju „najniža cijena“ ponude, te je tabelarni pregled na osnovu navedenog kriterija – rang lista prihvatljivih i pravilnih ponuda za „Nabavka usluga sistematskog ljekarskog pregleda uposlenika Kantonalnog tužilaštva Kantona Sarajevo, sljedeća:

R. br.	Ponudač- naziv i sjedište ponuđača	Ukupna cijena ponude bez PDV-a
1.	JU "ZAVOD ZA MEDICINU RADA KANTONA SARAJEVO" Sarajevo, ul. Bulevar Meše Selimovića 2. broj ponude: 01-08-366-1/26 od 23.03.2026 godine	43.065,00 KM
2.	PZU "MEDICOM" ZENICA , ul. Sarajevska br.20, broj ponude: 32/MN/26 od 16.03.2026. godine	46.990,00 KM
3.	Zdravstvena ustanova "ALEA" Dr Kandić , UL. Avde Šahinagića 3., broj ponude: 39/2026 od 17.03.2026. godine	47.210,25 KM

Kao prvorangirana najpovoljnija ponuda, prema kriteriju „najniža cijena“, je ponuda izabranog ponuđača JU "ZAVOD ZA MEDICINU RADA KANTONA SARAJEVO" Sarajevo, ul. Bulevar Meše Selimovića 2. ,71000 Sarajevo , sa ponuđenom cijenom 43.065,00 KM bez PDV-a , odnosno 43.065,00 KM sa PDV-om.

Cijeneći naprijed navedeno, primjenom člana 64. stav 1. tačka b) ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav (1) tačka d) ZJN.



TUŽITELJICA

Dostavljeno:

- Ponuđači x 3,
- Komisija,
- a/a.

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO
Adresa: Radićeva 6, 71000 Sarajevo, Centrala: 033/276-813, Pisarna: 033/276-811, Ured glavne tužiteljice: 033/276-826, Faks: 033/276-871

Elektronska pošta: kani_tuz@bih.net.ba, Web stranica: kt-sarajevo.pravosudje.ba